



PISORTAT SULIFFEQARFIINIK AAQQISSUUSSEQQINNISAMUT ILIUUSISSATUT PILERSAARUT

Aallaqqaasiut

Pisortat suliffeqarfii ingerlalluartut, pitsaasumik ingerlatsisut ataqaqtigiiissullu inuiaqatigiinnut pigaaruteqartorujussuupput. Pisortat suliffeqarfiini sulisut ullumikkut kiffartuussinernik atugarissaarnissamullu ikorsiissutinik arlalinnik innuttaasunullu aamma suliffeqarfinnut amerlasuunut pingaaruteqarluinnartunik sullisisarput.

Kalaallit Nunaat periarfissanik unammilligassanillu nutaanik suliassaqarpooq, pisortat suliffeqarfiinik nutarsaanermik pisariillaanermillu pisariaqartitsisunik. Pisortat suliffeqarfiini ullumikkut pisariaqartitanut aqagulu takkuttussanut ingerlaavartumik pitsangorsaaniarlutik, inerisaaniarlutik naleqqussaaniarlutillu Naalakkersuisut suliaqarput. Pisortat suliffeqarfii inuiaqatigiinni tunngavigineqartut periarfissallu aallaavigalugit aaqqissuunneqassapput naleqqussarneqarlutillu. Naalakkersuisut nunap angissusaa aningaasaqarneralu naapertorlugit kiisalu teknologiinik nutaanik suliassanik suliariinninnermi atuinermik siursaanikkut eqqortumik aaqqissuussinikkut pisortat suliffeqarfiinik innuttaasunut qanilaarnerusunik, pisariinnerusunik siunissamullu qulakkiikkanik pilersitsinissaq anguniarpaat.

Pisortat suliffeqarfiinik aaqqissuussilluni naleqqussaallunilu suliamik ukkatarinninniarlutik Naalakkersuisut iliuusissatut pilersaarut una suliaraat, taassumalu imarai ukiuni 2025-2028-mi suliniutissat Naalakkersuisunit pigaarnersiorneqartussat. Suliaq tamanna qitiusumik allaffeqarfimmi naalakkersuisoqarfii, kommunit aamma inuiaqatigiinni susassaqartut, matumanilu aamma pingaartumik innuttaasut tamaasa suleqatigilluinnarlugit ingerlanneqassaaq.

Tunuliaqtaq siunertarlu

Naalakkersuisut november 2023-mi Attassisinnaanermut Ineriartortitsinissamullu Pilersaarut II siunissamut ungasissumut pilersaarut saqqummiuppaat tassani nunatta 2050-ip tungaanut aningaasaqarnikkut oqimaaqatigiissumik ingerlatsinissaa qulakkeerniarneqarpoq. Attassisinnaanermut Ineriartortitsinissamullu Pilersaarut II-mi inuiaqatigiinnut atugarissaartunut kissaatigineqartutut qaffasissusaanik kissaatigineqartumik attassiinnarnissamut unammilligassat arlallit saqqummiunneqarput: innuttaasut ilinniarsimassusaat sulisinnaassusaallu, pisortat



ingerlataasa angissusaat aamma inuussutissarsiuitit aningasarsiorfiusut kiisalu nunami najugaqariaatsip ineriarornera. Unammilligassat taakku aaqqissuusseqqittariaqarnermik pisariaqartitsinermik ersersitsipput. Attassisinnaanermut Ineriarortitsinissamullu Pilersaarut II-p imarai aaqqissuusseqqinnissamut sammiviit aalajangersimasut sisamat, taakku ilaat tassaalluni pisortat ingerlatsiviiniq siunissamut qularnaarineq (aaqqissuusseqqinnissamut sammivik 3)

Inatsisartut 2023-mi upernaakkut ataatsimiinnerminni aalajangiiffigaat (immikkoortoq 101), Kalaallit Nunaannut naleqquatumik allaffissornikkut aaqqissuusseqqinnissamik pilersaarummik suliaqarnissamik Naalakkersuisut peqquneqarnissaannut tunngasumik. Oqaluuserineqarnerani pisortat ingerlataat Nunatsinni pissutsinut naleqqussarneqartariaqartoq tikkuarneqarpoq. Tassani pineqarput angissusaa, suliassat amerlassusaat, qitiusumik allaffeqarfiup kommunillu akornanni akisussaaffiit agguarneri kiisalu kalaallit oqaasii pisortanut tunngassutilinni annerusumik atorneqarnissaat ilanngullugit eqqarsaatigalugit.

Iliusissatut pilersaarummi siunertarineqarpoq allaffissornerup minnerulernissaa taamaaliornikkullu innuttaasunik toqqaannartumik sullissineq annerulerniassammat.

Iliusissatut pilersaarummi pisortat ingerlataasa immikkoortunut inatsiseqartitsinerup malitsigisanik aaqqissuunneqarnissaat pingaartinneqassaaq, tassani ilaagitut suliassaqarfinni pineqartuni kiffartuussinissamut annertussusaanik allaffissornermillu kiisalu qitiusumik allaffeqarfiup kommunillu akornanni sulianik aamma akisussaaffinnik agguaanissamik piumasaqaatinik aalajangiiffineqartoq.

Suliniuteqarfigisassat

Pisortat suliffeqarfiinik innuttaasunut qanilaarnerusunik, pisariinnerusunik siunissamullu qulakkiikanik pilersitsinissamut suliniuteqarfigisassat sisamat nunatta pisariaqartitaanut naleqqussakkat suussusersineqarput:

- Pisortat suliffeqarfiisa aaqqissuussaanerat
- Qitiusumik allaffeqarfimmik naleqqussaaneq
- Digitalinngorsaaneq
- Pisortat suliffeqarfiini piginnaasanik aaqqissuussaanermillu inerisaaneq

Pisortat suliffeqarfiisa aaqqissuussaanerat

Pisortat suliffeqarfiini tamani sulianik suliarinninnernut tunngaviit ingerlaavartumik naleqqussarneqartarsimapput, matumanilu kommunit 2009-mi katernerinut kiisalu 2007-imi qitiusumik allaffeqarfimmi allannguinernut (pisortaqarfinnit naalakkersuisoqarfinnut) atatillugu.



Taassuma kingorna kommunerujussuanngortitsinermi, kommunit avinneri kiisalu qitiusumik allaffeqarfimmik inerisaanermi misilitakkat tunuliaqutaralugit tunngaviit nalimmassarneqartariaqassanersut pillugit oqallitoqartarpoq.

Suliniuteqarnermi siunertaq:

- Pisortat ingerlataasa suliassanik sularinninnerannik aaqqissuussaanermik ingerlaavartumik pitsangorsaanermik suliaqarneq

Iliusissat:

- Qitiusumik allaffeqarfiup kommunillu akornanni suliassanik agguassinerit misissoqqissaarneri, matumanilu innuttaasunut ataatsimut aaqqiissutnik ukkatarinninnerit
- Malittarisassanik pisariillisaaneq missingiigallarnerit annikillisinniarlugit assigiissaarinerillu amerlisinniarlugit
- Maannakkut kommunit aaqqissugaanermikkut ilusilersugaanerannik misissueqqissaarneq, matumani ilanngullugu kommunit/pisortat ataatsimoorussamik aaqqiissuteqarneri pioreersut annerusumik atorneqarsinnaanerinut isumaliutersuutinik ilanngussinerit.

Qitiusumik allaffeqarfimmik naleqqussaaneq

Naalakkersuisut ataatsimoorlutik aqutsisuupput, Naalakkersuisut siulittaasuata Naalakkersuisunut ilaasortat akornanni Naalakkersuisut suliassaqarfii agguattarlugit. Suliassaqarfii agguataarneri piffissap ingerlanerani allanngorartarsimapput qitiusumik allaffeqarfiup aaqqissuussaanerata politikkikkut atugassaqartitaaneranut naleqqussarnissaa qulakkeerniarlugu. 2007-imi qitiusumik allaffeqarfimmik pisortaqarfii naalakkersuisoqarfinnut allanngortinneqarput. Pissutsit assigiinggaarnerit arallit apeqqutaallutik Naalakkersuisoqarfii iluminni aaqqissuussaaneri iluseqarsinnaasарput, soorlu naalakkersuisoqarfii suliassai avatangiisaalu kiisalu Naalakkersuisut/Naalakkersuisup kiisalu naalakkersuisoqarfimmik pisortap misilittagai kissaataalu. Aaqqissuussaanermilli toqqaaneq pisuni tamani mianerineqartussaapput naalakkersuisoqarfii inatsisitigut aqtsinermennik suliaqarnerat, Naalakkersuisunut tusaaniarnerat, suliat pitsasuuunissaasa qulakkeerner, oqartussaaffiit akimorlugit ataqtigissaarinerit kiisalu isumalluutinik atorluaaneq.

Suliniuteqarnermi siunertaq:

- Qitiusumik allaffeqarfimmik pitsaanermik sullissinermut suliaqarneq

Iliusissat:

- Maanna qitiusumik allaffeqarfimmik aaqqissuussaanermik misissueqqissaarneq
- Teknologii digitaliseeriinerlu nutaat atorlugit suleriaatsinik pitsangorsaaneq
- 'Ataatsimut suliat'-ni suliassanik ataatsimut sularinninnissamut periarfissanik misissueqqissaarneq
- Kalaallit oqaasii qitiusumik allaffeqarfiup sullissineranik suleriaasianillu atuinerup siuarsarnera



- Inerartorneq oqaatsinullu atortorissaarutit
- Oqaatsinik atortorissaarutinik aaqqiissutit, ass. nutserissutit
- Oqaatsit pillugit pikkorissarnissamut neqeroorutit

Digitalinngorsaaneq

Digitalinngorsaanikkut pisortat suliffeqarfiinik pitsangorsaanissamut inerartornerannillu ikorfartuutaanissamut arlalinnik periarfissaqartitsivoq. Digitalinngorsaaneq taamaasilluni inuaqatigiit akornanni unammilligassanut periarfissanullu aaqqiissutissatut isigineqarsinnaavoq. Digitalikkut aaqqiissutinik teknologiinillu nutaanik akisussaassuseqartumik aaqqissuussamillu atuineq pisortat suliffeqarfiinik nunatsinni tunngavinnut nutarsaanermik naleqqussaanermillu iluaquatasinnaavoq. Aalajangiinissamut pitsaanernik tunngavissiissutaasinnaapput suliniutillu aallartitat malitseqartitsiviginissaannut iluaquatasinnaallutik. Digitalinngorsaanermik atuineq minnerunngitsumik innuttaasunut sammisunik digitalikkut aaqqiissutinik ukkatarinnittoqartariaqarpoq, tassunakkut innuttaasut pisortat sullissiviinut assigiinnerusumik attaveqarsinnaaniassammata.

Suliniuteqarnermi siunertaq:

- Aaqqissuussamik innuttaasut inuaqatigiillu aningaasaqarnerannik isiginnittumik digitalikkut aaqqiissuteqarnerit

Iliusissat:

- Digitalinngorsaanermi nuna tamakkerlugu periusissiaq
- Inatsisinik digitalinngorsaanissamut iltsersummik suliaqarneq
- Tunngaviusumik paassisutissat pillugit sullissisummik inaarsaaneq atuutsitsilernerlu
- Kommunit/ pisortallu IT-mik atortuinik ataatsimoorussanik atuinerulerneq

Pisortat suliffeqarfiini piginnaasanik aaqqissuussaanermillu inerisaaneq

Pisortat suliassaqarfiisa siunissamut qularnaeqarnerusumik, innuttaasunut qaninnerusumik sunniuteqarnerusumillu pilersitseqataanissamut pigaaruteqarluunnarpooq suleqataasut nunatsinni innuttaasunut suliffeqarfinnullu kiffartuussillutillu atugarissaarnissamullu ikorsiissutinik ullut tamaasa sullissinerannut suliassanut ullumikkut siunissamilu pikkorissarnissaat eqqarsaatigalugu. Piginnaasat eqqortut pigineqassapput, suleqataasullu pingarnertut suliemannik naammassinninnissaannut piffissaqartinneqarnerusariaqarput, tamatumani lu suliassat suliarineranni qaffasissumik pitsaassuseqalernissaannik qulakkeerinntussaassalluni.

Suliniuteqarnermi siunertaq:

- Sulisut piginnaasaqarluartut atorlugit suliassat suliarineranni qaffasissumik pitsaassuseqarnissaannik qulakkeerininnineq

Iliusissat:



- Aaqqissuussamik sulisussarsiorneq suleqatinullu attaveqarnerup ukkatarineri, matumanilu sulisussarsiornermi attaveqarnermullu periusissianik suliaqarneq.
- Atugarissaartitsineq tunniusimanerullu siuarsarneri, matumanilu napparsimalluni sulinngitsoortarnerit sulisullu paarlakaannerannik nakkutilliineq
- Sulisunut aningaasartuutit nalilersornerinut misissoqqissaarneri kiisalu suliassat annertussusaat qanorlu ittuunerinut tunngatillugu sulisunut aningaasartuutinik naleqqussaaneq.

Piviusunngortitsineq piffissamullu pilersaarut

Suliniuteqarfiusut sisamat atuutsilernissaanut piumasaqaataavoq pisortat suliffeqarfiini susassaqartut tamarmik akuunissaat, tassa Naalakkersuisut kommunalbestyrelsillu, qitiusumik allaffeqarfik kommunillu, aqutsisut sulisullu kiisalu pisortat namminersortullu suliffeqarfiutaat pisortat suliffeqarfiinut kiffartuussisut sullisisullu.

Iliusissatut pilersaarut Naalakkersuisut ataqtigissaarinermut ataatsimiitaliaanni, taassumalu ataani aqutsisoqatigiinni Naalakkersuisut Ataqtigissaarinermut Ataatsimiitaliaanni ilaasortaaffigineqartuni naalakkersuisoqarfinni pisortanut inissinneqassaaq.

Suliassaqarfinnik sisamanik taakkuningga sulineq misissueqqissaarnernik attuumassutillit, inuiaqatigiit assersunneqarsinnaasut pisortat suliffeqarfiinik naammassisqaarluarsinnaasut isumassarsiorfiginerisigut pissaaq. Misissueqqissaarnerit tunuliaqtaralugit pisortani suliffeqarfiit pitsaanermik aaqqissuunniarlugit nunatsinni nammineq tunngaviit aallaavigalugit siunnersuutinik aalajangersimasunik inassuteqaatinillu suliaqartoqassaaq.

Piffissamut pilersaarut

Q3 2024: Aallarniutaasumik misissueqqissaarnerit suleqatigiissitaliornerlu

Q3 2024 – Q2 2025: Paasiniaalluni sulineq

Q3 – Q4 2025: Siunnersuutit aalajangersimasut inassuteqaatillu

Q4 2024 – Q1 2025: Ilaatigut naalakkersuinikkut isumaqtigiissuteqarneq

Q1 2026: Siunnersuutit siullit atuutsilernerri

Q3 2026: Atuutsitsilernerit allat

Q1 2027: Atuutsilerneranut nalilersuineq naleqqussaanerlu